

სსიპ-საქართველოს ინტელექტუალური საკუთრების ეროვნული ცენტრი „საქპატენტი“

გამარტივებული ელექტრონული ტენდერის საშუალებით
ტონერ-კარტრიჯების (CPV-30125110) შესყიდვის სატენდერო დოკუმენტაცია

წინამდებარე სატენდერო დოკუმენტაცია შედგენილია
„სახელმწიფო შესყიდვების შესახებ“ საქართველოს კანონის 12¹ მუხლის და „გამარტივებული შესყიდვის,
გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“
სახელმწიფო შესყიდვების სააგენტოს თვმჯდომარის 07.04.2011წ. №9 ბრძანების საფუძველზე

დაფინანსების წყარო: 2015 წლის საკუთარი სახსრები

ქ. მცხეთა, 2015 წ.

სარჩევი

1. ტექნიკური დავალება 3
2. სახელმწიფო შესყიდვის შესახებ ხელშეკრულების პროექტი 5
3. დანართი №1 ხარჯთაღრიცხვა 10

1. ტექნიკური დავალება

- 1.1 შესყიდვის ობიექტი – ტონერ-კარტრიჯების (CPV-30125110) სახელმწიფო შესყიდვა. შესასყიდი ტონერ-კარტრიჯების ტექნიკური პარამეტრები და რაოდენობა მოცემულია ცხრილში:

ცხრილი

№	შესყიდვის ობიექტი და ტექნიკური პარამეტრები	რაოდენობა	მიწოდების ვადა
1	საბეჭდი მოწყობილობა - Canon IR-1730i-სთვის ტონერ-კარტრიჯი; ბეჭდვის რესურსი - არანაკლებ 89500 გვერდი; ორიგინალი; ლაზერული შავი	4 ცალი	ხელშეკრულების დადებიდან არაუმეტეს 20 (ოცი) კალენდარული დღე
2	საბეჭდი მოწყობილობა - Xerox, Work Centre 5845-სთვის ტონერ-კარტრიჯი; უნდა შეიცავდეს ტონერის ნარჩენების კონტეინერს; ბეჭდვის რესურსი - არანაკლებ 76000 გვერდი; ორიგინალი; ლაზერული შავი	2 ყუთი (ერთ ყუთში - 2 ცალი)	

- 1.2 შესყიდვის ობიექტის სავარაუდო ღირებულება: 3472 (სამი ათას ოთხას სამოცდათორმეტი) ლარი.

2. პრეტენდენტმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

- 2.1 ინფორმაცია ორგანიზაციის რეკვიზიტების შესახებ (იურიდიული სახელწოდება, ფორმა, მისამართი, საიდენტიფიკაციო კოდი, ტელეფონის/ფაქსის ნომერი, ხელმძღვანელ(ებ)ის სახელი და გვარი, ელექტრონული მისამართი, ბანკის დასახელება, ბანკის კოდი, ანგარიშსწორების ანგარიშის ნომერი).
- 2.2 შემოთავაზებული შესყიდვის ობიექტის ხარჯთაღრიცხვა დანართი №1-ის შესაბამისად (სავალდებულოა, რომ ხარჯთაღრიცხვაში დეტალურად და გარკვევით იყოს მითითებული შემოთავაზებული შესყიდვის ობიექტის ტექნიკური მონაცემები ბეჭდვის რესურსი და აღწერილობა ცხრილის შესაბამის გრაფებში მითითებული მოთხოვნების გათვალისწინებით. ასევე, სავალდებულოა მითითებული იყოს შემოთავაზებული შესყიდვის ობიექტის მწარმოებელი ქვეყანა, მწარმოებელი კომპანია და მოდელი).
- 2.3 მწარმოებლის ავტორიზაციის ფორმა (MAF – Manufacturer Authorization Form).

პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია ხელმოწერილი და ბეჭდვად მყოფი (არსებობის შემთხვევაში) უნდა იყოს უფლებამოსილი პირის ხელმოწერითა და ბეჭდით, ან მისი ნდობით აღჭურვილი (სათანადო წესით დამოწმებული მინდობილობის საფუძველზე) პირის ხელმოწერითა და ბეჭდით.

3. სახელმწიფო შესყიდვების ერთიან ელექტრონულ სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას ამ პუნქტის „3.1.“-„3.10.“ ქვეპუნქტებში განსაზღვრულ მოთხოვნებზე:

- 3.1 პრეტენდენტის მიერ შემოთავაზებული საქონელი (ტონერ-კარტრიჯები) უნდა იყოს პირველადი (არ უნდა იყოს ექსპლუატაციაში ნამყოფი და ქარხნულად აღდგენილი) ქარხნული შეფუთვით, ყუთზე დატანილი გაყალბებისგან დამცავი ჰოლოგრამით. შემოთავაზებული ტონერ-კარტრიჯები უნდა იყოს ორიგინალი მოთავსებული მწარმოებლის ბრენდ-კოლოფში და შეესაბამებოდეს საბეჭდი მოწყობილობის მწარმოებლისგან მოცემულ პარამეტრებს, არ უნდა იწვევდეს საბეჭდი მოწყობილობის მუშაობის ხარისხის გაუარესებას და დეტალების დაზიანებას.
- 3.2 ხელშეკრულების დადებიდან არაუგვიანეს 20 (ოცი) კალენდარული დღის ვადაში მიმწოდებელმა საკუთარი ხარჯებით უნდა უზრუნველყოს შესყიდვის ობიექტის მიწოდება (შესაძლებელია როგორც

- ერთიანად, ისე ეტაპობრივად) შემსყიდველ ორგანიზაციაში, მისამართზე: ქ. მცხეთა, ანტიოქიის ქ. №5.
- 3.3 ქარხნული წუნის აღმოჩენის შემთხვევაში მიმწოდებელი ვალდებულია საკუთარი ხარჯებით (სატრანსპორტო საშუალების ჩათვლით) შეტყობინებიდან არაუგვიანეს 10 კალენდარული დღის განმავლობაში შეცვალოს წუნდებული საქონელი ახლით.
- 3.4 მიმწოდებელთან ანგარიშსწორება განხორციელდება უნაღდო ანგარიშსწორებით, ეროვნულ ვალუტაში.
- 3.5 ანგარიშსწორებისათვის შემსყიდველსა და მიმწოდებელს შორის უნდა გაფორმდეს ფაქტიურად მიწოდებული საქონლის შესაბამისი მიღება-ჩაბარების აქტი. მიმწოდებელი ვალდებულია მიაწოდოს შემსყიდველს თანხლები დოკუმენტაცია (საგადასახადო ანგარიშ-ფაქტურა, სასაქონლო ზედნადები). ანგარიშსწორება მოხდება შემსყიდველის მიერ მიღება-ჩაბარების აქტის ხელმოწერიდან და თანხლები დოკუმენტაციის წარმოდგენიდან 15 (თხუთმეტი) კალენდარული დღის განმავლობაში.
- 3.6 წინასწარი გადახდის მექანიზმი არ გამოიყენება.
- 3.7 ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება:
- ელექტრონული გარანტიების რეესტრის მეშვეობით გაცემული ელექტრონული გარანტიისათვის არანაკლებ 120 (ას ოცი) კალენდარული დღით, ტენდერისათვის სტატუსის - „წინადადებების მიღება დაწყებულია“ მინიჭების ეტაპიდან.
 - იმ შემთხვევაში, თუ ელექტრონული გარანტია წარდგენილია საბანკო პლასტიკური ბარათიდან სააგენტოს ანგარიშზე თანხის გადარიცხვის გზით შესაბამისი ტენდერისათვის საბოლოო სტატუსის მინიჭებამდე.
- 3.8 პრეტენდენტს არა აქვს უფლება წარმოადგინოს ალტერნატიული წინადადება.
- 3.9 სატენდერო წინადადებაში წარმოდგენილი საქონლის საერთო და ერთეულის ფასი გამოსახული უნდა იყოს ლარში, ყველა ხარჯისა და შესყიდვის ობიექტის მიწოდებასთან დაკავშირებული გადასახადის გათვალისწინებით. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი სისტემაში მითითებული უნდა იქნეს დღგ-ს გათვალისწინებით.
- 3.10 თუ პრეტენდენტი არ არის დღგ-ს გადამხდელი, მასთან ანგარიშსწორება მოხდება დღგ-ს თანხის გამოკლებით და პრეტენდენტის მიერ წარმოდგენილი უნდა იქნას შესაბამისი ცნობა საგადასახადო ინსპექციიდან.

შენიშვნა: გამარჯვებულმა პრეტენდენტმა უნდა წარმოადგინოს ვაჭრობის შედეგად დაფიქსირებული საბოლოო ფასების შესაბამისი ხარჯთაღრიცხვა (არსებობის შემთხვევაში).

დამატებითი ინფორმაციის მიღება შესაძლებელია სატენდერო კომისიის აპარატში, საკონტაქტო ტელეფონი: 225-25-33.

სახელმწიფო შესყიდვის შესახებ ხელშეკრულება №

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. მცხეთა

_____ 2015 წ.

ერთის მხრივ, სსიპ საქართველოს ინტელექტუალური საკუთრების ეროვნული ცენტრი „საქპატენტი“ (შემდგომში „შემსყიდველი“), წარმოდგენილი მისი საფინანსო დეპარტამენტის უფროსის ვლადიმერ სიხარულიძის სახით (მოქმედი სსიპ „საქპატენტის“ თავმჯდომარის - ირაკლი ღვალაძის მიერ 2013 წლის 03 იანვრის №04 ბრძანებით მინიჭებული უფლებამოსილების საფუძველზე), და მეორეს მხრივ, _____ (შემდგომში „მიმწოდებელი“) წარმოდგენილი მისი დირექტორის _____ სახით, სახელმწიფო შესყიდვების შესახებ კანონის და მიმწოდებლის სატენდერო წინადადების საფუძველზე, №SPA----- გამარტივებული ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „დღე“, „კვირა“, „თვე“ – კალენდარული დღე, კვირა, თვე.
- 1.3. „შემსყიდველი“ – ორგანიზაცია, რომელიც ახორციელებს შესყიდვას.
- 1.4. „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.5. „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.6. „ტექნიკური დავალება“ – №SPA----- გამარტივებული ელექტრონული ტენდერის სატენდერო დოკუმენტაციის ტექნიკური დავალება, რომელიც წარმოადგენს ხელშეკრულების განუყოფელ ნაწილს.

2. ხელშეკრულების საგანი

- 2.1. ხელშეკრულების საგანს წარმოადგენს სსიპ „საქპატენტის“ 2015 წლის საკუთარი სახსრების ფარგლებში ტონერ-კარტრიჯების (CPV-30125100) შესყიდვა, შემდგომში - საქონელი.
- 2.2. შესასყიდი საქონლის დასახელება, რაოდენობა, მახასიათებლები, ერთეულის და საერთო ფასი მოცემულია ხარჯთაღრიცხვაში (დანართი №1), რომელიც თან ერთვის ხელშეკრულებას და წარმოადგენს მის განუყოფელ ნაწილს.

3. ხელშეკრულების ჯამური ღირებულება

- 3.1. ხელშეკრულების საერთო ჯამური ღირებულება შეადგენს _____ ლარს.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის შესყიდვასთან და მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს.

4. ანგარიშსწორების ფორმა და ვადები

- 4.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.
- 4.2. ანგარიშსწორებისათვის შემსყიდველსა და მიმწოდებელს შორის უნდა გაფორმდეს ფაქტიურად მიწოდებული საქონლის შესაბამისი მიღება-ჩაბარების აქტი. მიმწოდებელი ვალდებულია მიაწოდოს შემსყიდველს თანმხლები დოკუმენტაცია (საგადასახადო ანგარიშ-ფაქტურა, სასაქონლო ზედნადები).

ანგარიშსწორება მოხდება შემსყიდველის მიერ მიღება-ჩაბარების აქტის ხელმოწერიდან და თანმხლები დოკუმენტაციის წარმოდგენიდან 15 (თხუთმეტი) კალენდარული დღის განმავლობაში.

5. საქონლის მიღება-ჩაბარების წესი

- 5.1. საქონელი ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.
- 5.2. იმ შემთხვევაში თუ, მიწოდებული საქონელი შეესაბამება ხელშეკრულებით და ტექნიკური დოკუმენტაციით გათვალისწინებულ მოთხოვნებს, ხელშეკრულებით გათვალისწინებული პირი მიღება-ჩაბარების აქტის საფუძველზე ახორციელებს მიწოდებული საქონლის მიღებას, ხოლო თუ, საქონლის მიწოდების პროცესში გამოვლინდება, რომ საქონელი არ აკმაყოფილებს ხელშეკრულებით და ტექნიკური დოკუმენტაციით გათვალისწინებულ მოთხოვნებს შემსყიდველს უფლება აქვს არ მიიღოს ნაკლოვანი საქონელი და დაუბრუნოს იგი მიმწოდებელს მიმწოდებლის ხარჯით.
- 5.3. შემსყიდველის მხრიდან მიღება-ჩაბარების აქტზე ხელმოწერ უფლებამოსილ პირს წარმოადგენს: _____.

6. საქონლის მიწოდების ადგილი და ვადა

- 6.1. საქონლის მიწოდებას მიმწოდებელი განახორციელებს საკუთარი ხარჯებით შემსყიდველის მისამართზე: ქ. მცხეთა, ანტიოქიის ქ. №5.
- 6.2. საქონლის მიწოდება განხორციელდება ხელშეკრულების გაფორმებიდან არა უგვიანეს 20 (ოცი) კალენდარული დღის განმავლობაში (შესაძლებელია როგორც ერთიანად, ისე ეტაპობრივად).
- 6.3. საქონლის მიწოდებას მიმწოდებელი უზრუნველყოფს საკუთარი ხარჯებით საქართველოს კანონმდებლობით გათვალისწინებული ყველა გადასახადისა და საქონლის მიწოდებასთან დაკავშირებული ყველა ხარჯის ჩათვლით.

7. მხარეთა უფლება-მოვალეობანი

- 7.1. შემსყიდველი უფლებამოსილია:
 - 7.1.1. მოსთხოვოს მიმწოდებელს საქონლის მიწოდება ხელშეკრულებით გათვალისწინებული პირობებითა და ვადებში;
 - 7.1.2. ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;
 - 7.1.3. მიიღოს მხოლოდ წინამდებარე ხელშეკრულებით გათვალისწინებული საქონელი;
 - 7.1.4. უარი განაცხადოს უხარისხო საქონლის მიღებაზე.
- 7.2. შემსყიდველი ვალდებულია უზრუნველყოს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.
- 7.3. მიმწოდებელი უფლებამოსილია მოსთხოვოს შემსყიდველს საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 7.4. მიმწოდებელი ვალდებულია:
 - 7.4.1. გადასცეს შემსყიდველს ტექნიკური დოკუმენტაციის შესაბამისად ნივთობრივად და უფლებრივად უნაკლო საქონელი და მასთან დაკავშირებული დოკუმენტაცია, წინამდებარე ხელშეკრულებით გათვალისწინებულ ვადებში.
 - 7.4.2. მიაწოდოს საქონელი სათანადო ხარისხით. საქონელი (ტონერ-კარტრიჯები) უნდა იყოს პირველადი (არ უნდა იყოს ექსპლუატაციაში ნამყოფი და ქარხნულად აღდგენილი) ქარხნული შეფუთვით, ყუთზე დატანილი გაყალბებისგან დამცავი ჰოლოგრამით. შემოთავაზებული კარტრიჯები უნდა იყოს ორიგინალი და შეესაბამებოდეს საბეჭდი მოწყობილობის მწარმოებლისგან მოცემულ პარამეტრებს. არ უნდა იწვევდეს საბეჭდი მოწყობილობის მუშაობის ხარისხის გაუარესებას და დეტალების დაზიანებას.
 - 7.4.3. თუ მიწოდებულ საქონელს აღმოაჩნდება რაიმე ნაკლი მიმწოდებელი ვალდებულია, საკუთარი ხარჯებით (სატრანსპორტო საშუალების ჩათვლით) შეტყობინებიდან არაუგვიანეს 10 კალენდარული დღის განმავლობაში შეცვალოს წუნდებული საქონელი ახლით.

8. ხელშეკრულების შესრულების კონტროლი

- 8.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს

კონტროლი (ინსპექტირება), რომლის მიზანია საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

- 8.2. ხელშეკრულების მიმდინარეობის კონტროლის მიზანს წარმოადგენს საქონლის მიწოდების ვადების და მიწოდებული საქონლის ან/და მისი ნაწილის ხარისხის ხელშეკრულების მოთხოვნებთან შესაბამისობის დადგენა.
- 8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

- 9.1. მხარეთა მიერ ხელშეკრულების პირობების შეუსრულებლობა, არაჯეროვნად შესრულება ან/და წინამდებარე ხელშეკრულებით გათვალისწინებული ვადების დარღვევა გამოიწვევს მათ პასუხისმგებლობას მოქმედი კანონმდებლობითა და წინამდებარე ხელშეკრულებით დადგენილი წესით.
- 9.2. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მხარე უფლებამოსილია დააკისროს დამრღვევ მხარეს პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,05%-ის ოდენობით.
- 9.3. იმ შემთხვევაში, თუ დაკისრებული პირგასამტეხლოს ჯამური თანხა გადაჭარბებს ხელშეკრულების საერთო ღირებულების 2%-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 9.4. პირგასამტეხლო დაერიცხება მხარეს ვალდებულების სრულად შესრულებამდე.
- 9.5. შემსყიდველს უფლება აქვს მოახდინოს პირგასამტეხლოს გამოქვითვა მიმწოდებლისათვის გადასახდელი თანხიდან.
- 9.6. მხარის მიერ ხელშეკრულების პირობების სრული ან ნაწილობრივ დარღვევის და/ან შეუსრულებლობის შემთხვევაში მეორე მხარეს უფლება აქვს წერილობით მიუთითოს მას აღნიშნულ გარემოებებზე და მოსთხოვოს მისი გამოსწორება გონივრულ ვადაში (რაც შეტყობინების სახით ეგზავნება მეორე მხარეს), ხოლო შეტყობინებაში მითითებული ვადის გასვლის შემდეგ ცალმხრივად შეწყვიტოს ხელშეკრულება. საქართველოს სამოქალაქო კანონმდებლობით გათვალისწინებულ შემთხვევებში მხარე უფლებამოსილია შეწყვიტოს ხელშეკრულება გონივრული ვადის დაწესების გარეშე.
- 9.7. ტრანსპორტირების (მიწოდების) პროცესში საქონლის დაზიანებით გამოწვეული ზიანის ანაზღაურების ვალდებულება ეკისრება მიმწოდებელს.
- 9.8. წინამდებარე ხელშეკრულებით გათვალისწინებული პირგასამტეხლოს გარდა, ნებისმიერ მხარეს შეუძლია მოითხოვოს მეორე მხარის მიერ ნაკისრი ვალდებულებების შესრულებლობით ან არაჯეროვანი შესრულებით მისთვის მიყენებული ზიანის ანაზღაურება.
- 9.9. მხარეთა მიერ წინამდებარე ხელშეკრულების პირობების დარღვევის შემთხვევაში მათ მიერ ზიანის ანაზღაურება და პირგასამტეხლოს გადახდა არ ათავისუფლებს მათ ხელშეკრულებით გათვალისწინებული ვალდებულების შესრულებისაგან.

10. ხელშეკრულებაში ცვლილებების შეტანა

- 10.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 10.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.
- 10.3. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

11. ფორს-მაჟორი

- 11.1. ფორს-მაჟორი ნიშნავს მხარეებისთვის გადაულახავ და მათი კონტროლისაგან დამოუკიდებელ

გარემოებებს, რომელიც არ არის დაკავშირებული შემსყიდველის და ან მიმწოდებლის შეცდომებსა და დაუდევრობასთან და რომელსაც გააჩნია წინასწარ გათვალისწინებული ხასიათი.

- 11.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედებები, ეპიდემია, კარანტინი, საბიუჯეტო ასიგნებების მკვეთრი შემცირება, სახელმწიფო გადატრიალება და სხვ.).
- 11.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომელისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

12. უფლებების გადაცემა

მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

13. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. ხელშეკრულების მოქმედების ვადა და შეწყვეტის პირობები

- 14.1. ხელშეკრულება ძალაში შედის მხარეთა მიერ ხელმოწერის დღიდან და ძალაშია 2015 წლის -----
----- მდე.
- 14.2. წინამდებარე ხელშეკრულების 9.4., 9.8. და 9.9. პუნქტები ძალაშია მხარეთა მიერ ვალდებულების სრულად შესრულებამდე.
- 14.3. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.
- 14.4. ნებისმიერ მხარეს შეუძლია ცალმხრივად შეწყვიტოს წინამდებარე ხელშეკრულება მეორე მხარის მიერ წერილობითი შეტყობინების მიღებიდან 10 (ათი) დღის ვადაში, იმ შემთხვევაში, თუ:
- 14.4.1. ხელშეკრულების ერთ-ერთი მხარე სისტემატიურად არღვევს ხელშეკრულების პირობებს;
 - 14.4.2. წინამდებარე ხელშეკრულების მე-10 მუხლით გათვალისწინებული შემთხვევების დადგომისას არსებითად იცვლება ხელშეკრულების პირობები;
 - 14.4.3. დაუძლეველი ძალის (ფორს-მაჟორი) მოქმედება გრძელდება 1 (ერთი) თვეზე მეტ ხანს;
 - 14.4.4. წინამდებარე ხელშეკრულების 9.3. და 9.6. პუნქტებით გათვალისწინებულ შემთხვევას ექნება ადგილი.
- 14.5. ნებისმიერ მხარეს შეუძლია ცალმხრივად შეწყვიტოს ხელშეკრულება საქართველოს სამოქალაქო კოდექსით გათვალისწინებული საფუძვლებით.

15. დასკვნითი დებულებები

- 15.1. ხელშეკრულება შედგენილია ქართულ ენაზე, თანაბარი იურიდიული ძალის მქონე 3 (სამი) ეგზემპლარად (ერთი ეგზემპლარი მიმწოდებელს, ხოლო ორი შემსყიდველს).
- 15.2. წინამდებარე ხელშეკრულების ნებისმიერი მუხლის, პუნქტის ან/და დებულების ბათილობა ან/და ძალდაკარგულად ცნობა არ ახდენს გავლენას მთლიანად ხელშეკრულების ან მისი დანარჩენი მუხლების, პუნქტების ან/და დებულებების ნამდვილობაზე.
- 15.3. ურთიერთობანი, რომელიც არ არის რეგულირებადი წინამდებარე ხელშეკრულებით, რეგულირდება მოქმედი კანონმდებლობის შესაბამისად.

16. მხარეთა რეკვიზიტები და ხელმოწერები

შემსყიდველი

მიმწოდებელი

სსიპ საქართველოს ინტელექტუალური საკუთ-
რების ეროვნული ცენტრი „საქპატენტი“
მისამართი: ქ. მცხეთა, ანტიოქიის ქ. №5
საიდენტიფიკაციო კოდი: 203831363
საბანკო რეკვიზიტები:
მიმღების ბანკი: სახელმწიფო ხაზინა
მიმღების დასახელება: ხაზინის ერთიანი ანგარიში
ბანკის კოდი: TRESGE22
სახაზინო კოდი/ანგარიშის ნომერი: 707807132

საფინანსო დეპარტამენტის უფროსი
ვლადიმერ სიხარულიძე

ხარჯთაღრიცხვა (დღგ-ს ჩათვლით)

პრეტენდენტის დასახელება -----

შესყიდვის ობიექტის დასახელება, ტექნიკური აღწერილობა და მოდელი	შესყიდვის ობიექტის მწარმოებელი ქვეყანა და მწარმოებელი კომპანია	რაოდენობა	ერთეულის ფასი (ლარი)	საერთო ღირებულება (ლარი)	მიწოდების ვადა
1	2	3	4	5	6

პრეტენდენტის ხელმოწერა -----

და ბეჭედი